



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCCXXXVIII. Des Kurfürsten Johann Leibgedings-Verschreibung für die Gattin Günthers von Bismarck zu Burgstall, vom 15. October 1488.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CCCXXXVIII. Des Kurfürsten Johann Leibgedings-Verschreibung für die Gattin Günthers von Bismarck zu Burgstall, vom 15. October 1488.

Wir Johans etc. Bekennen etc., dat wy vmb vlitiger bede willen vnser liuen getruwen Gunther von Bismarcks to Borchstall, margareten, syner Elichen huffrowen, syn deil an dat Slot Borchstall mit allen andern gutern, tinsen, renten vnd allen togehörungen vnd gerechtigkeiten, So hie von vns vnd vnser herschap to lehne hefft, to rechten liffgeding gnediglich gelegen hebben vnd lyhn or solcke syn andeil an dat Slot Borchstall mit allen andern synen lehngudern, wie vorberurt, to rechtem Liffgeding, In crafft vnd macht dits briues vnd Also, So sie des gnanten ores Elichen mannes tod erleuen worde, dat sy alsdann solcke syne guder, Jerliche tins vnd Rente to rechten Liffgeding hebben, sich der gebruken vnd gnieten soll vnd mach, vor des gnanten ores mannes eruen vnd sunft meniglich vngehindert, als liffgedings recht vnd gewonheit is. Wo sie auer hiranals mit einander liueseruen gewynnen werden, Sol die gnante Fruwe vir vnd Twintig stuck geld Jerlicher tins In solcken synen gereidten gutern to liffgeding hebben, vnd So dieseluen orer twier eruen sie von solckem liffgedinge affkopen wolden, Sollen sie or virhundert gulden Rb. onuerhindert geuen vnd vthrichten, vnd Geuen or des to einem Inwisser vnser liuen getruwen Albrecht von Lüderitz. To vrkunth etc. Datum Tangermunde, Am midwoch nach Calixty, Anno domini LXXXVIII.

Nach dem Churm. Lehn-Copialbuche XXVIII, fol. 125.

CCCXXXIX. Des Kurfürsten Johann Leibgedings-Verschreibung für die Gattin Ludolphs von Bismarck zu Burgstall, vom 17. October 1488.

Wy Johans etc. Bekennen etc., dat wy vmb vlitiger bede willen vnser liuen getruwen Ludloff von Bismarcks, Annen, syner Elichen husfrowen, syn andeil an dat Slot Borchstall mit allen vnd iglichen andern synen gudern, Jerlichen tinsen vnd Renten vnd mit oren togehörungen, wie die von vns vnd vnser herschap to lehn vnd dar to virvndtwintig gulden Rinisch Jerlicher tins, So hie von dren hundert gulden In wederkopswyfe vp to heuen hefft, to rechten Liffgeding gnediglich gelegen hebben, vnd wy lyhn or solck syn andeil an Borchstall etc. — Geuen or des to einem Inwyser vnser Houetman In der Oldmarck vnd liuen getruwen Fritzen von der Schulemborch zu Bezendorp. To orkunth datum Tangermunde, am fridage na Gally, Anno domini LXXXVIII.

Nach dem Churmärk. Lehn-Copialbuche XXVIII, fol. 125.